



**Ilinniartitaanermut, Kultureqarnermut,
Ilisimatusarnermut Ilageeqarnermullu
Naalackersuisoq
/Maani**

Ulloq: 24-05-2016

J.nr.: 01.39.01.03-00170

**Pingasunngornermi ulloq 25. maj 2016, nal. 16.00, ataatsimiittarfik 2-mi Kultureqarnermut,
Ilinniartitaanermut, Ilisimatusarnermut Ilageeqarnermullu Ataatsimiititaliamit
siunersiorneqarnissamut piaartumik aggersaaneq**

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap
Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoq
siunersiorneqarnissamut matumuuna aggersarpaa.

Ilinnigaqarnersiutit pillugit imm. 114-imut allannguutissatut siunnersuummik Naalackersuisut
saqqummiussinerannut atatillugu siunnersuutip aningaasaqarnikkut kingunerisassaasa
erseqqinnerusumik paasinarsisinneqarnissaat ataatsimiititaliamit pisariaqartutut isigineqarpoq.

Taamaattumillu siunersiuineri makku oqaluuserineqarnissaat ataatsimiititaliamit
kissaatigineqarpoq:

- 1. Ilinniarnermikk naammassinnissimasut aningaasaqarnikkut maanna atugaannik
ilinniagaqartunut assigiinngitsunut matuma kinguliani allassimasunut siunnersuummi
imm. 1-ip imm. 2-llu aningaasaqarnikkut kingunerisassaannut skemanngorlugit
sanilliusseqqullugit Naalackersuisut ataatsimiititaliamit qinnuigineqarput, tamatumani
diskontop ullumi tamanut atuuttup taamaaginnarnissaa naatsorsuutigineqassalluni:**

Ilinniagaqartut danskit naalagaaffiannit ilinniagaqarnersiuteqarsimasut	Ilinniagaqartut Namminersorlutik Oqartussanit ilinniagaqarnersiuteqarsimasut
Ilinniarnermik katillugit ukiunik marlunnik sivitsuilluni universitetimi ukiuni tallimani ilinniarnermik naammassinnissimasoq	Ilinniarnermik katillugit ukiunik marlunnik sivitsuilluni universitetimi ukiuni tallimani ilinniarnermik naammassinnissimasoq
Ilinniarnermik katillugu ukiumik ataatsimik sivitsuilluni ingerlaqqiffiusumik ilinniartitaanermik akunnattumik sivissusilimmik naammassinnissimasoq	Ilinniarnermik katillugu ukiumik ataatsimik sivitsuilluni ingerlaqqiffiusumik ilinniartitaanermik akunnattumik sivissusilimmik naammassinnissimasoq
Ilinniarnermik katillugu ukiumik ataatsimik sivitsuilluni ingerlaqqiffiusumik ilinniartitaanermik sivikinnerusumik naammassinnissimasoq.	Ilinniarnermik katillugu ukiumik ataatsimik sivitsuilluni ingerlaqqiffiusumik ilinniartitaanermik sivikinnerusumik naammassinnissimasoq.

Taamaalluni ilinniagaqartut siuliani taaneqartut a, b aamma c-t aqqissuussinermut
maanna atuuttumut aammalu aqqissuussinermut siunnersuutigineqartumut

immikkoortillugit assersuusiukkanik takussutissiortoqarnissaa ataatsimiititaliamit kissaatigineqarpoq.

(Skemap imarisaasa teknikimut tunngasuunerat pissutigalugu skemap imarisaata sukumiisorujussuarmik saqqummiunneqarnissaa ataatsimiititaliamit naatsorsuutigineqanngilaq.)

Siunnersuummut nalinginnaasumik nassuiaatini makku oqaatigineqarput:

“Siunnersuummut siullermeerneqartumut sanilliullugu aalajangersakkamut akiitsunik akilersuinermi 50 %-imik tapiissuteqartarsinnaanermut tunngatillugu sakkukinnerulersitsineq kinguneqassaaq ilinniagaqartut 25 procentit missaannik amerlanerusut akiitsuminnik akilersuinissaminnut 100 %-imik tapiiffigineqartalernissaat.”

Taamaalilluni allannguutissatut siunnersuut siunnersuutaaqqaartumut nassuiaatini pissusissamisoortumik sanilliunneqarpoq. Illassutitulli makku paasisutissiisutigineqarnissaat ataatsimiititaliamit qinnutigineqarpoq:

2. **Taarsigassarsianik akilersuinissamut 100 %-imik tapiissutisinissamut piumasaqaatinik ilinniagaqartut ullumikkut naammassinnittut procentinngorlugit qanoq amerlatigisut allannguutissatut siunnersuut ullumikkut atuukkalarpat 50 %-imik tapiissutininik sinneruttunik pissarsisinnaanissamut piumasaqaatinik naammassinnissanngikkalarpat?**
3. **Taarsigassarsianik akilersuinissamut 100 %-imik tapiissutisinissamut piumasaqaatinik ilinniagaqartut ullumikkut naammassinnittut procentinngorlugit qanoq amerlatigisut siunnersuutaaqqaartoq ullumikkut atuukkalarpat 50 %-imik tapiissutininik sinneruttunik pissarsisinnaanissamut piumasaqaatinik naammassinnissanngikkalarpat?**

Allannguutissatut siunnersuummi § 31, imm. 2-mi, oqaaseqatigiit aappaanni ima allassimasoqarpoq:

“Imm. 2. Imm. 1-imi akiliutip pineqartup saniatigut ilassutitut 50 procentinik tapiissuteqartoqaqqissinnaavoq, ilinniagaqartup ilinniarnini kingusinnerpaamik naammassiffissaa ukiumik ataatsimik qaangerlugu naammassisimappagu.”

Oqaaseqatigiit “ilinniagaqartup ilinniarnini kingusinnerpaamik naammaffissaa ukiumik ataatsimik naammassisimappagu” ataatsimiititaliamit maluginiarneqarput.

4. **Qaammatisiutit ukiuannut taaneqartumut atatillugu Namminersorlutik Oqartussanit, danskit naalagaaffiannit assigisaannilluunniit ilinniagaqarnersiutininik pissarsisarneq apeqqutaanngitsaq Naalakkersuisunit eqqortuunerarneqarsinnaava?**

Naalakkersuisumik siunersuinermini allanik aamma apeqquteqarnissani ataatsimiititaliap naatsorsuutigaa.

Ataatsimiititaliap ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisumik siunersuinerata naalakkersuinerneq tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalackersuisumik siunersuineranut atatillugu pissarsisinnegarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalackersuisumik siunersuinerata kinguningua uunga nassiunneqarnissaa qinnutigineqarpoq: inatsisartut@inatsisartut.gl aamma assilinera rfr@ina.gl. Allakkiaq ataatsimiititaliap Naalackersuisumik siunersuineranut nassarneqarpat atorneqarpallu taassuma nuutinnera ataatsimiititaliap Naalackersuisumik siunersuinerata aallartinnerani ataatsimiititaliap oqalutnaanut ataatsimiititaliamullu ilaasortanut allattaaanullu tunniuteqquneqarpoq.

Inussiarnersumik inuulluaqqusillunga


Vivian Motzfeldt

Ataatsimiititaliap siulittaasua